



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-299/01.

Sarajevo, 31. maja 2001.

Z A P I S N I K

sa 5. sjednice komisije za ljudska prava, imigraciju, izbjeglice i azil,
održane 31. maja 2001. godine

Sjednici komisije prisustvovali su: Osman Brka, Miloš Jovanović, Miro Grabovac Titan, Bahrija Osmanović, Violeta Kamberović, Omer Filipović i Muhamed Begović. Odsustvovali su Dušan Stokić i Mustafa Cuplov.

Sjednici je prisustvovao Mario Nenadić, pomoćnik ministra za ljudska prava i izbjeglice, u svojstvu predstavnika predlagača zakona.

Za 5. sjednicu komisija je jednoglasno usvojila sljedeći

D N E V N I R E D:

1. Usvajanje Zapisnika sa 4. sjednice Komisije;
2. Razmatranje Zakona o izmjenama i dopunama Zakona o izbjeglicama iz BiH i raseljenim licima u BiH;
3. Izvještaj članova Komisije o posjeti jednom broju opština i
4. Tekuća pitanja.

Ad – 1:

Zapisnik sa 4. sjednice Komisije usvojen je jednoglasno.

Ad – 2:

Predsjedavajući je upoznao Komisiju da je podnio amandmane na Prijedlog zakona i iste je obrazložio.

Članovi Komisije prihvatili su amandmane.

Predstavnik predlagača u principu je podržao amandmane, ali je, pored ostalog, ukazao da usvojeni amandmani prouzrokuju određene neusklađenosti u drugim odredbama.

Poslije diskusije zaključeno je da se Izvještaj Komisije, s amandmanima proslijedi predlažu zakonu, koji će u raspravi na Domu, s obziro da je prvo čitanje, upozoriti na neusklađenosti, odnosno definisati odrede kako bi sve bile usklađene.

Komisija je zauzela stav da postoji neophodnost za donošenje Zakona o izmjenama i dopunama Zakona o izbjeglicama iz Bosne i Hercegovine i raseljenim osobama u Bosni i Hercegovini, te da su principi na kojima se zasniva Zakon u skladu s Ustavom BiH i pozitivnim zakonodavstvom.

Komisija je Prijedlog zakona, zajedno s usvojenim amandmanima, uputila Domu na razmatranje i usvajanje.

Ad – 3:

Izvještaj o posjetama koje su članovi Komisije 22.i 23. majara učinili određenim opštinama, podnijeli su:

- Omer Filipović – o posjeti Višeradu, Srpskom Goraždu i Mostaru;
- Violeta Kamberović – o posjeti Drvaru;
- Miloš Jovanović i Osman brka – o posjeti Gradišci.

U diskusiji su učestvovali svi članovi komisije.

Poslije diskusije zaključeno je da Komisija sačini jedinstven izvještaj o posjetama koji će se podnijeti Predstavničkom domu. Dogovoreno je da se Komisija sastane nepsredno pred 9. sjednicu Doma (6. juna u 10,00 sati), kako bi verifikovala jedinstveni izvještaj.

Zaključeno je da se, u vezi s ovim posjetama, predsjedavajući zahvali rukovodstvima tih opština.

U diskusijama u vezi s daljim izlascima Komisije na teren sugerisano je da se u vezi s tim aktivnostima odrede principi – da se tačno zna šta se hoće, te da je neophodno ujednačiti kriterije za sva mjesta.

Ad – 4:

a) Predsjedavajući upoznao prisutne članove o dopisu koji je Komisiji uputio načelnik Opštine Drvar, koji je komisiju pozvao na zajednički sastanak čelnih članova iz resornih ministarstava i opština, koji se bave pitanjem izbjeglih, prognanih i raseljenih osoba.

U vezi s ovim pozivom konstatovano je da Komisija nije izvršni organ, te da na tom sastanku treba da sudjeluju predstavnici entitetskih i državnog ministarstva.

Zaključeno je da se u tom smislu odgovori načelniku Opštine Drvar.

b) Predsjedavajući upoznao Komisiju sa zahtjevom poslanika Nedžada Šašivarevića kojim traži da Komisija, u vezi s događajima u Trebinju i u Banjoj Luci, preduzme mjere radi zaštite ljudskih prava i temeljnih sloboda svih vjernika i radi utvrđivanja odgovornosti pojedinaca.

Predsjedavajući Osman Brka je napomenuo da je Komisija na 4. sjednici reagovala na događaje u Trebinju i u Banjoj Luci, kojom prilikom je te i slične događaje najoštrije osudila.

U vezi s ovim zahtjevom kratko su diskutovali Miloš Jovanović i Miro Grabovac – Titan.

Poslije diskusije konstatovano je da Komisija u vezi s događajima u Trebinju i Banjoj Luci nema drugih nadležnosti.
Zaključeno da se o stavu Komisije obaveijesti pdonosilac zahtjeva.

SEKRETAR KOMISIJE

Rajka Stnaišić



PREDSJEDAVAJUĆI KOMISIJE

Osman Brka

